

ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

1994 թ. ապրիլի 14-ին տեղի ունեցավ ՀՀ ԳԱԱ տարեկան ընդհանուր ժողովը, որը քննարկեց Ակադեմիայի 1993 թ. գործունեությունը:

Ժողովը ներածական խոսքով բացեց Ակադեմիայի պրեզիդենտ Ֆ. Տ. Սարգսյանը: Ձեզ հայտնի է, ասաց նա, որ մենք անցյալ տարում ևս աշխատել ենք ծանր պայմաններում: Ակադեմիայի հիմնարկների ու նախագահության աշխատանքները անհրաժեշտ մակարդակով ծավալելու համար չենք ունեցել ֆինանսական միջոցներ և այլ հնարավորություններ: Սակայն, չնայած դրան, Ակադեմիայի գիտական կոլեկտիվները 1993 թ. ընթացքում շոշափելի արդյունքների են հասել գիտահետազոտական պլանների և գիտական աշխատանքների ծրագրերի կատարման ուղղությամբ: Ձեռք են բերվել տեսական և կիրառական մի շարք կարևոր արդյունքներ: Հետազոտությունների տվյալները մշակվել և ամփոփվել են մենագրություններում և գիտական հոդվածներում:

Ներածական խոսքում միաժամանակ ընդգծվեցին Ակադեմիայում և գիտական այլ հիմնարկներում տեղ գտած մի շարք թերություններ: Հանրապետությունում կան գիտական բազմաթիվ հիմնարկներ, որոնք իրենց հետազոտությունների ծրագրերը չեն կոորդինացնում կամ էլ մասամբ են կոորդինացնում Ակադեմիայի հետ: Այս մասին արժե լուրջ խորհել և տալ համապատասխան առաջարկություններ: Ծեֆ, օրինակ, Ակադեմիան և էներգետիկայի ու վառելիքի հարցերով զբաղվող գիտահետազոտական համապատասխան կոլեկտիվները անմիջականորեն չգործակցեն, ապա մեր կարծիքով, դժվար կլինի արագ լուծել էներգետիկայի հետ կապված հիմնախնդիրները: Ուրեմն պետք է անհրաժեշտ պայմաններ ստեղծել հանուն արդյունավետ համագործակցության, թեկուզև համատեղ ենթակայության ձևեր կրթություններ հիմնելու միջոցով:

Անորոշ դրություն է ստեղծվել սեյսմիկ պետական ծառայության հետ մեր փոխհարաբերություններում, ծառայություն, որի կազմակերպման գործում Ակադեմիան ժամանակին մեծ մասնակցություն է ունեցել: Զգիտեմ թե որքանով էր հիմնավորված որոշ ծառայություններ Ակադեմիայի համակարգից դուրս հանելու հարցը: Մենք առաջ ենք քաշել ինչպես Գառնիի դիտարանի, այնպես էլ նշված ծառայությունների համատեղ ենթակայության և շահագործման հարցը, բայց ընդհանուր համաձայնության դեռևս չենք եկել: Հարկավոր է վերջնականապես ճշտել, թե ով ինչով պետք է զբաղվի և միայն այդ դիրքերից որոշել ենթակայության հարցերը: Նույնը վերաբերում է նաև մեր հանրապետության կենսապահովման համար խիստ կարևոր մի շարք այլ բնագավառների:

Մեր գլխավոր նպատակն է, շարունակեց Ֆ. Սարգսյանը, անհրաժեշտ պայմաններ ստեղծել ԳԱԱ երբեմնի փառքը պահպանելու և ամրապնդելու համար, Ակադեմիայի ամբողջ գիտական կարողությունը լիովին ի սպաս դնելու ժողովրդի վերածննդին, հայրենիքի պաշտպանական պոտենցիալի հզորացմանը: Չնայած մեր հնարավորությունները շատ են, բայց այս ուղղությամբ քիչ բան է կատարված: Բոլորս լավ ենք հիշում, թե ժամանակին մեր ինստիտուտների կողմից որքան առաջարկություններ են արվել այս

կամ այն նոր, տնտեսական կարևոր նշանակություն ունեցող գիտական հետազոտությունների հիման վրա արտադրություններ կազմակերպելու նպատակով Այդ ուղղությամբ որոշ քայլեր կատարվել են: Վերջին տարիներին ինչևիցե անքափելի մեր ժողովրդին: Շատ քիչ բան: Իհարկե, կան և օբյեկտիվ պատճառներ, բայց արդյո՞ք սեփական ցուցաբերել ենք անհրաժեշտ հետևողականություն նույնիսկ այս պայմաններում արդյունքի հասնելու համար: Կարծում եմ, որ ոչ Մենք հաճախ կարողում, կամ ոչ բանիմաց մարդկանց կողմից լսում ենք գիտական այս կամ այն պրոբլեմներին վերաբերող անհիմն ու անհիմն հայտարարություններ, բայց եղակի դեպքերում ենք հանդես դալիս իսկական գիտական պարզաբանումներով: Այո, առաջին հերթին մեկը մերն է՝ Ակադեմիայի ղեկավարությունը: Մեր տեսակետը սովորաբար արտահայտում ենք մեծ ուշադրությամբ, այն էլ այն դեպքում, երբ ըստիպված ենք լինում: Հարկավոր է ամեն կերպ ակտիվացնել Ակադեմիայի դերը հանրապետության սոցիալ-տնտեսական ու քաղաքական կյանքում:

Շուտափույթ լուծում պահանջող առաջնահերթ խնդիր է վառելիքաէներգետիկ ճյուղում գիտական հանրապետությունը դուրս բերելը, բայց դժբախտաբար, այս հարցում Ակադեմիան խիստ թերացել է: Մենք այն կարծիքին ենք, որ ամենամոտ ժամանակում պետք է ստեղծենք համապատասխան գիտական կոլեկտիվ և ամենաբարձր մակարդակով գործնական առաջարկություններ ներկայացնենք: Պետք է ասեմ, որ այս ժողովում սկզբում նախատեսվել էին յոթ լսել գիտական ղեկուցում՝ նվիրված վառելիքաէներգետիկ հարցերին, բայց հրաժարվեցինք այդ մտքից, որովհետև կանք այն եզրակացություն, որ հարկավոր է պատրաստվել և ներկայացնել կոնկրետ գործնական առաջարկություններ: Մենք տակավին չենք հատուցել մեր մեծ պարտքերից մեկը՝ հանրապետության բնական ռեսուրսների (հանքահումքային, դյուղատնտեսական, ուկրեյնյան և այլն) օգտագործման գիտական, տեխնիկական, տեխնոլոգիական խնդիրների մշակումը՝ ժողովրդական տնտեսության մեջ դրանք լայնորեն կիրառելու համար:

Ցանկանում եմ ղեկուցել ժողովին, որ առաջնադասումը շատ քիչ է մեր ամենապատկառ չարքերից մեկի լուծման գործում: Խոսքը վերաբերում է պոլիգրաֆիկական բաղադրիչ՝ ապարդակալի սարքավորումներ ձեռք բերելուն: Շատ ծանր պրոբլեմ է դարձել ինստիտուտների գիտահետազոտական աշխատանքների հրատարակումը: Միջոցների և ուժերի գերլարվածության պայմաններում կարողանում ենք հրատարակել պատրաստի աշխատանքների միայն 10—15 տոկոսը: Ոչ բավարար ֆինանսավորման պատճառով նորմալ չեն հրատարակվում նաև Ակադեմիայի 14 ամսագրերը, որոնց պարբերականությունը և ծավալները խիստ կրճատվել են:

Չափազանց անհանգստացնող վիճակ է ստեղծվել ինստիտուտների նյութատեխնիկական մատակարարման ասպարեզում: Ինստիտուտները, չունենալով համապատասխան ֆինանսավորում, գների աճավոր աճի և գրամի արագ արժեքի տարրական պահանջներում հնարավորություն չունեն բավարարել իրենց տարրական պահանջները: Ըստ էության դադարեցվել են Ակադեմիայի չժողով պետական կենտրոնացված մատակարարումները: Մենք կառավարությունից խնդրում ենք օգնել մեզ և այս խնդրի լուծման համար ինչ-որ ճանապարհներ գտնել: Այլ կերպ հարվածի տակ է գրվում գիտահետազոտական աշխատանքների հաստատված պլանների կատարումը:

Ակադեմիայի պրեզիդենտը խոսեց նաև առաջիկա անելիքների մասին: Հնդհանուր ժողովն այնուհետև լսեց տեղեկագրա-քարտուղար Վ. Բ. Բարխուդարյանի հաշվետու ղեկուցումը Հայաստանի գիտությունների ազգային ակադեմիայի 1993 թ. գիտական և գիտակազմակերպչական գործունեության հիմնական արդյունքների մասին (զեկուցման հայերեն և ռուսերեն գրավոր տեքստը նախօրոք ուղարկվել էր ժողովի մասնակիցներին): Զեկուցման մեջ հանգամանորեն խոսվեց ֆիզիկամաթեմատիկական և տեխնիկական, քիմիական և երկրաբանական, կենսաբանական, հասարակական գի-

տությունների բնագավառում 1993 թ. կատարված գիտահետազոտական աշխատանքների, նախագահության և բաժանմունքների գիտակազմակերպական գործունեության, գիտական համագումարների և կոնֆերանսների, գիտահրատարակչական խորհրդի, գիտական կադրերի և ասպիրանտուրայի, գիտահետազոտական աշխատանքների ֆինանսավորման և այլ հարցերի մասին:

Հաշվետու զեկուցման շուրջը բացվեց մտքերի փոխանակություն, որին մասնակցեցին ակադեմիայի թղթակից անգամներ Լ. Հախվերդյանը, Կ. Ղարաբյուրյանը, Թ. Ասաթիանին, Օրգանական քիմիայի ինստիտուտի դիրեկտոր (տնօրեն) Շ. Բադանյանը, Մեխանիկայի ինստիտուտի դիրեկտոր Լ. Ազալովյանը, Հիդրոէկոլոգիայի և ձկնաբանության ինստիտուտի դիրեկտոր Ռ. Հովհաննիսյանը, Աստղադիտարանի գիտաշխատող Ա. Ղարիբջանյանը, ակադեմիկոս Մ. Ներսիսյանը:

Ելույթ ունեցողները կանգ առան Ակադեմիայի աշխատանքում տեղ զբաղեցրած թերությունների վրա, հատկապես նշելով այն հանգամանքը, որ Գիտությունների ակադեմիան գործուն մասնակցություն չի ցուցաբերում մեր ժողովրդին հուզող հարցերի քննարկմանը:

Ժողովում ելույթ ունեցավ նաև բարձրագույն կրթության և գիտության նախարար Վ. Գնունին, որը շոշափեց նախարարության և Ակադեմիայի միջև նորմալ բարյացակամ հարաբերություններ հաստատելու անհրաժեշտության հարցը:

Ընդհանուր ժողովում հանդես եկավ Հայաստանի Հանրապետության փոխնախագահ Գագիկ Հարությունյանը: Նա կանգ առավ Ազգային ակադեմիայի և ընդհանրապես մեր երկրում գիտության զարգացման հարցերի վրա, նշեց եղած թերություններն ու բացթողումները: Հանրապետության փոխնախագահը հատկապես շեշտեց այն հանգամանքը, որ Գիտությունների ակադեմիան դեռևս չի ցուցաբերում անհրաժեշտ նախաձեռնություն Հայաստանի Հանրապետության հասարակական-քաղաքական կյանքին մասնակցելու հարցում: Պետք է հուսալ, ասաց հանրապետության փոխնախագահը, որ Հայաստանի գիտությունների ակադեմիան այսուհետև ավելի մեծ եռանդ կցուցաբերի իր առջև դրված խնդիրները հաջողությամբ իրագործելու համար:

Ն. ԴԵՐՈՅԱՆ